



915352

kat komp


Mag. St. Dr.

III
















EMINENTIA  
SACRÆ ROMANÆ ECCLESIAE  
REGNIQVE POLONIAE  
Cellissimis Virtutum ac Honorum messibus,

In

AVITIS Meritorum RASTRIS,

&

PVRPURA ROMVLEA,  
EMINENTISSIMI  
CELLISSIMI,

&

REVERENDISSIMI PRINCIPIS,  
DOMINI,

D. JOANNIS  
ALEXANDRI

In LIPE,

LIPSKI,  
SACRÆ ROMANÆ ECCLESIAE  
CARDINALIS,  
EPISCOPI CRACOVIENSIS, DVCIS SEVERIAE.

*Summo Patriæ applausu*

REFVLGENS,

*A*

Regio-Benedictino Archi-Cœnobio Tynecensi,

*Submisso vultu*

OBSERVATA,


*Solemniq; voto*

DEPRÆDICATA.

*Annô, quo virtus sublimibus eminet astris.*



In Avitum Stemma  
 EMINENTISSIMI  
 &  
 REVERENDISSIMI  
 PRINCIPIS.



915352

RASTRIS collegit Fasces sibi Gloria Regni,  
 incipis ut pateat pro Pietate labor.

His radiant Virtutibus PASTRA m

te

is ho



EMINENTISSIME  
&  
REVERENDISSIME  
PRINCEPS.



*V*blimem Apostolica Dignitatis  
Eminentia Te in JOANNE.  
magnitudinem Gloriam Regni  
Te in ALEXANDRO proci-  
duo veneramur cultu. Quis  
etenim ingenij conceptus Tibi Magno Antistitu  
Numini & Optimati solemnes posset efformare  
applausus? Quem Ara Prasulea vix capiunt.  
Curules Senatoria, PRINCIPI consilio pote-  
tissimo, Judicii gravitate elevatissimo angustae  
ita videntur; ut magnificam famam, quae nul-  
lum peritura per Orbem, nec Sapiens Thales,  
nec Divinus Plato, aut disertissimus Tullius al-  
tioribus ultra efferrent encomijs! nec Pur-  
puram in Te o Magne PRINCEPS, utpote  
Illustrissimorum Antenatorum Tuorum ima-  
ginem condigno celebrarent ornatu; nec culmi-  
nis apice indefinentibus attingerent laudum gradati-  
onibus. Immense sunt perennium Virtutum  
Tuarum messes, quas Gloria Regni Gentilitijs  
Tuis RASTRIS in amplissimum honorum Acer-  
vum pro Patria & Ecclesiae decore collegit.



*Exiguas tamen EMINENTISSIME  
PRINCEPS suscipe laudes, veluti minima  
de submissi cordis gazophilatio deprompta ho-  
noraria: Nunquam enim parvas Magno Pa-  
triæ Numini offerre præsumeremus adoreas;  
nisi sciremus quia vectigalia honoraria, semper  
magis parva Viris placuere magnis Et li-  
cet Illustrissimum Nomen Tuum nitido per Or-  
bem gloriæ fulgeat ostrô, varijsq; Purpura Tua  
Virtutum gemmâs intertexta niteat; è Benedi-  
ctino tamen Roseto, CARDINALITIÆ  
Tuæ, Rosas BENEDICTI, quas offerrimus Pur-  
puræ, gloriosis Tuis collige RASTRIS, ut sub  
Protectrici Tua Purpura, etiam Ordinis anti-  
quissimi Benedictini crescat honoris odor; quasi  
odor agri pleni cui benedixit Dominus. Tibi  
quoq; PRINCEPS EMINENTISSIME  
hi Rosarum flores, ad decursum sæculorum,  
perpetuæ Incolumitatis, ac perennis Gloriæ Tuæ  
latitudinem, explicent centifolia. Hæc dum  
EMINENTISSIMO Honori Tuo Solemnia  
Patriæ & Ecclesiæ exaramus vota; submissū  
cultum nostrum Pontificali subjicimus Pædo.*

**Eminentissimi & Reverendissimi  
P R I N C I P I S,  
PROTECTORIS Clementissimi.**

*Devotissimum & obligatissimum*

Archi-Cænobium Tynecense  
Ordinis Sancti BENEDICTI.



# PANEGYRIS.

Pontificalem Magni Antistitis Eminentiam  
in CARDINALITIA Purpura,  
Sublimatam Sarmatici Poli Celsitudinem

in Senatoria Principis dignitate,  
intuere Polonia!

Vtramq; in uno Præfule venerare Majestatem.

Luminare majus Tuis exoritur votis;  
cum Regalibus aquilis à nova gloriæ luce nec palpebram dimittas,  
nisi in tanti luminis adoream.

Imò:

quò illud spectas sublimiùs,  
eò venerare profundius.

Quemadmodum

non alibi illustrius pro Patriæ & Ecclesiæ decore

celebria poterant collocari merita,  
ita non alibi sublimis Honorum erigi Eminentias,  
quàm in Celsissima Patriæ Penatum Aula

L I P S C I A N A,

Vbi:

quot Curules, tot Proceres:

quot Subsellia, tot Senatores:

quot Aræ,

tot Orthodoxi Regni spectantur Numina.

A

Domus



# DOMUS LIPSCIANA,

à primo sæculorum Regni Poloniæ progressu

**Augustale Honoris erat,**

& novum non naturæ vel artis, sed manus Divinæ prodigium;

**de quo;**

si retroacta redirent tempora,

**faterentur :**

*Regia solis erat sublimibus alta columnis.*

*Clara micante auro flammâq; imitante pyropo:*

*Cujus ebur nitidum fastigia summa regebat,*

Si liceat ingredi gloriosum Domus LIPSCIANÆ Atrium,

imperterritas muri Aethnici excubias

sicut oculo mentis videre, volupe est,

ita in primo limine adorare, necesse.

**Numerosæ eorum Legiones,**

cataphractis glorioforum RASTRORUM obarmantur fulgoribus,

in quibus Regni defensio, firmissimo prominet munimine

**Cui:**

nec clara suô Rhodos promontoriô,

nec bimaris Corynthus suis mœnijs

valet adæquari:

## **Templo Honoris**

Patriæ decus & ornamentum Ecclesiæ infertur.

**Augusto gloriosæ Magnificentiæ Palatio**

Adstant virtutes, invigilant merita;

Nec aliter ad aditum Honorandorum Penatum

**patent ostia.**

Si tanta Procerum ad Portam Aulæ Principis invigilant Nomina,

Quis ipsa virtutum Numina domi dominari non deprædicet?

**Ostia Magnæ Maximi Antistitis Domus,**

immarcescibilibus Stirpium exornantur Laureis,

mœnia Trojanorum Principum exprimunt originem;

ipsas exemplorum ædes domestica sanctimoniam familia veneratur.

Splen-



Splendet tota LIPSCIANA Domus,  
Plusquàm Parijs rerum egregiè gestarum adornata magnificentijs;  
fastigia recti

per gradationes meritorum in altum erecta  
scalam virtutum coelis affinem remonstrant;

*summitas ipsa celos tangit.*

Gloria Domini Dominantium  
super templum Honoris LIPSCIANI

plena gratiarum resplendet facie.

Teucrorum Argentinorumq; Herculis Tempia,  
umbris suis minora sunt.

Eminentia LIPSCIANÆ Domus sublimior fastigio quovis:  
Nòn celebrent illa suam à vetustate claritudinem!  
quæ uti profana fana, antiqua obscurârunt sæcula.

Domus LIPSCIANA

in oriente Ecclesiæ ædificata,

tot sacris decoribus insignita,

in occiduo gloriæ suæ jubare,

etiam Regnorum soles illuminavit gloriosius.

Centenis undiquè magnorum ingeniorum columnis

pro Patriæ fulcro,

exquisita cœlestis Dedali ars

hoc stabilivit Palatium;

Cujus

inconcussi parietes,

in quibus

vivæ originum imagines

Patriæ & Ecclesiæ leges, tutantium

honorabiliori spectantur vultu,

A2

murum



murum & antemurale Regnorum consolidant.  
Stationes ante hanc Senatoriam Regiam  
aurei sunt Equites,

Magni Reipublicæ Statores,  
& Regni Sarmatici Ioves.

Splendor ejus etiam ex Illustribus Aboriginum prorumpit umbris,  
supprimi nescius famæ sonus.

ex ipsis fatorum refrangitur conticinijs,  
& inquilini magnorum pro Domo hac Oratorum Phœnices,  
ex ipsis antenatorum cineribus renascuntur.

Posthuma nempe LIPSCIANA gloria

Nulli mortalitatis succumbit lethargo:

grandævi Orbis Catones,  
in prætextatos LIPSCIANTORUM Nominum rejuvenescunt Oratores.  
Etiam Mausoleorum marmora

in ampla Domus istius desudant encomia,  
& quasi per novam quandam metempsychosim  
traductis Magnorum LIPSCIANTORVM informata Entheis,  
dum auribus dare voces nequeant:

dant oculis.

Illustre LIPSCIANTORVM Genus,

in elogio Magnorum Ducum,  
Annalibus Orbis Poloni deprædicatur laudibus,  
& mutæ Historiarum diphteræ

fatis multa dicunt:

dum LIPSCIANTORVM loquuntur Nomina.

Regnante VLADISLAVO LOKTICO

L I P S C I A N I Herodes

invicti Legionum Præfecti,  
tanquam invicti Exercituum Duces

solo



solo Majestatis aspectu hostiles exterruerunt acies,  
quas ut viderunt, vicerunt.

Dumq; Regni Coronas Ecclesiæq; diademata  
præclaris gestis in splendidiorem redderent prospectum;  
in vultu illo,

emeritos suos labores,

effigiatam ad amussim gloriæ virtutum imaginem  
principalibus Reipublicæ Polonæ dignitatibus colendam præfulerunt.

## Regia Bathorei Aula SVENTOSLAVM LIPSCIVM

Macedone gloriosiore,

Aurelijs Romanorum Principibus illustriorem,

Magnum honoravit Hectorem.

Belzensis Capitaneatus Curulim conscendens SVENTOSLAVS,  
aureos ab ore eloquiorum imbres  
ita depluere visus,

ut jam tunc ingentes Honorum falces  
illo præcelso profluente rogatos,  
in manipulos colligeret pretiosos.

Quot LIPSCII Regno præfulserunt,  
tot infracti Pompeij,

tot in expugnabiles Annibales,

tot Numina Regni, radijs titulorum conspicua  
Hostibus Patriæ

Marris imperterriti frontem exhibuerunt.

Integer Iustitiæ Præses

## SVENTOSLAVS

Themidis libram intrepidâ dexterâ gerebat:

& ne ab æqualitate an æquitate deflecteret;  
æquanimi regebat moderamine.

B

Pro



Pro legibus Patriæ decertavit Aristides,  
Pro juribus Ecclesiæ Tullius,

Pater Patriæ, quia LIPSCIVS.

*Illustrissimus ac Excellentissimus*

ANDREAS LIPSKI,

Regius Sigismundi III. Secretarius,

Catone gravior, Hortensio eloquentior,  
jam pro tunc in magnifica crucis Ara,  
planè sub astra, sacra exaltavit RASTRA.

& meruit;

ut illa Herculeæ animi fortitudo,  
quæ pro Regijs Regni manipulis,  
quæ pro Ecclesiæ laureis strenuè decertavit,  
Divinis inscriberetur Aris.

Luceorienti Infulâ coronatus ANDREAS,

Polonum Orbem fulgidô Crucis diametrô irradians,  
per Pontificale suorum virtutum jubar,  
nova Ecclesiæ adauxit lumina.

Cujus

*Splēdida puniceis radiabat vitta lapillis.*

Ad MATHIAM Imperatorem Legatus,

pulcherrimâ virtutum omnium apparens stipatus assistentiâ,

unus

Atheniensium Senatum repræsentasse videbatur,  
ita ut toti⁹ Patriæ & publico suorum meritorum elogio,

Regni Procancellarius promulgaretur.

In hoc Majestatuoso honoris gradu,  
Delphica oracula superasse credebatur ANDREAS,

alter Claudius:



in Curia clypeum aureum,  
in Senatorio Capitolio auream sedem,  
habere promeruit.

Debebat etiam Vladislaviensis Tyara,  
integram huic suæ gemmæ Præfuleæ æstimationem:

Ast ad altiora honoris fastigia,  
urgent merita magnæ virtutis ascensum.

Triplex Cracij Vavelli Corona,  
Præfuleo ANDREÆ Capiti se se acclinat  
millenis Cidaribus digno.

nempe:

ANDREAM LIPSKI,

Episcopum Cracoviensem,

Ducem Severiæ,

Divinæ repræsentat Aræ,

Cujus immortale Nomen,

in aureis Hesperij Tagi vasis,

in Holosericis operis Damasceni tapetijs,

in sacris refulgens apparamentis,

qualis, quantusq; fuerit ANDREAS Antistes, enuntiat.

In his,

dum Annales Virtutum illius normæ,

vivis animantur coloribus;

quis sæculorum Contemplator

liberalem Principis munificentiam deprædicare poterit.

quis cor tam præcellentis pectoris examine,

aut publicæ luci ereptum dixerit?

dum ANDREAS ille Craciorum Principum fortissimus,

tot & tantis Cathedræ suæ decoribus

superstitem gratiarum suarum insculpsit faciem.

B2

AN.



A N D R E Æ fortitudini  
minus erat meritorum pondus supportandum.

Atlanti Orbis Poloni

Major debebatur majoris sphæra Honoris.  
Post decora HENRICI FIRLEY Metropolitanæ fata,  
sub VRBANO VIII. & Rege SIGISMUNDO Tertio,

A N D R E A S

Archiepiscopus Gnesnesis,  
Primas Regni & Prorex creatus,

bina dignitaria Cruce  
Ecclesiæ vota coronavit, & Regni felicitati benedixit.  
largior Cræso in Patriam Princeps.  
Debuerant ANDREÆ fortitudini Scipiones Regni committi:  
ut nutantia Patriæ fastigia,  
& publica boni communis commoda  
Pontificali consolidaret Pædo.

*Illustrissimus & Excellentissimus*  
IOANNES LIPSKI,

Iudex Terrestris Calissiensis,

*terrens severo crimina vultu,*

intricatos offensionis tribulos,  
lolium & carduos zizaniorum,  
de frugibus gloriæ Regni,  
tanquàm perniciosam Patriæ pestem,  
tanquàm Gorgonea Averni monstra,  
avitis expunxit RASTRIS.

*Illustrissimus & Excellentissimus*

PROCOPIVS LIPSKI,

Castellanus Rogoznensis,

Regia



Regia Senatorum sublellia,  
Magnitudine Consilij exaltavit.

Cujus

Exercitus Honorum numerosus,  
& militancia Magno Nomini dignitatum castra,  
Domum LIPSIANAM merito coronârunt.

*Illustrissimus & Excellentissimus*  
VENCESLAVS LIPSKI,

Tuus

# Princeps Eminentissime

Pater Gloriosissimus.

Proavorum Abavorumq; honorabilis imago,

Regum ac Principum spectata Majestas,

pretiosus Coronæ Regni unio,

**inexpugnabile Orthodoxæ Religionis propugnaculum.**

Magnanimus Hostium Domitor,

qui uno triumphali R A S T R O,

devictorum hostium capita

in millenos suæ & Polonæ gloriæ congestit acervos.

cujus gloriosa Nominis fama,

triumphali curru

totius Europæ transcendit pretium.

&

*Ornat Apollineâ victricia tēpora laurô.*

Ille unicum Senatus Poloni delictum,

Confiliorum Numen,

stupendorum ad Regni negotia responſorum Tripoſ.

talia semper in facie Senatûs effata dabat;

quibus meliora nec Phœbus Memphiticus,

nec ipsa sub Delphica meditabundus cortina loqueretur Apollo.

C

ille



Ille redivivus sui sæculi  
jam non Gallicanus sed Polonus Hercules,  
vel de candido liberæ vocis lilia fundebat ore,  
quibus Patriæ coronaret vota;  
Vel plusquam aureos Statisticorum sensuum evolvebat torques,

a quibus :

& spes libertatis & boni communis,  
Civium animi & mentes consultantium dependèrent.  
Ille totius corporis Reipublicæ Cor,  
in omnes & singulos,  
vitales animosæ dexteritatis diffundebat spiritus,  
intrepido ad quævis pericula motu:  
sicut primum suæ Patriæ meruit appellari vivens,  
ita pro D E O, Rege, & Lege,  
ultimum esse moriens exoptabat.  
In præcellenti RASTRORUM dignitate,  
Regnorum Ioves Reginasq; Aquilas collocans,  
jure Paterno  
Eminentes Honoris fasces,

Tibi

Princeps Eminentissime,  
Hæredi suo reliquit Filio.

*Illustrissima*

BARBARA MIASKOWSKA,

Tua

Vel Te ipso etiam Filio suo  
Mater felicissima,  
fui in Tuo honoris & spei effectuatæ Mater,  
Ingens pietatis exemplar,  
Inter Vestales splendores

Miram



Miram virtutum omnium continet normam;  
Cui non Hyperbolica assertatione adscribendum:

*tale decus portabat nulla Dearum.*

Hæc Pulcheriâ augustior,

Pietate Corneliâ celebrior,

Superûm aras, Divorumq; templa venerando,  
vera virtutum Idea refulget.

Hæc virtutis masculæ nova horum temporum Penthesilea;  
animo prudenti, & ad magna, nata Minerva,  
non unius Lechici Herculis Alemena,

Fide in Deum & homines Penelope,  
& felix te suo ALEXANDRO Polona Olympia,  
Cœlestium gratiarum thesaurum,  
quem firmo exemplaris vitæ acquisivit jure,  
Tibi Gratosissimo Filio IOANNI consignavit.

Hanc unam

pro innumeris Illustrissimæ MIASKOVIANÆ Domûs decorib;  
dixisse satis esto;

in qualabor naturæ,

Concurrentes operantium clementius Cœlorum influxus,  
imò conspirantes singularium Superûm favores,  
figillatim in alijs sparsas virtutû corporis & animi dotes,  
ac si in unam Orbis Sarmatici Pandoram,  
dignô admiratione compendîo congestère.

Viderunt anteacla,

Vident præsentia,

stupebunt & rememorabunt futura sæcula,

quomodo:

Illustrissima MIASKOVIANA Domus,  
in tot suis Hectoribus



pro aris & focis strenuè decertantibus:

## in Gentilitio Vnicorne

bellicos Arietes superavit,  
ac uno ictu glorioso, conspectuq; torvo,  
clausit & expunxit omnes hostiles Regni acies,  
suxq; fortunæ divites aperuit Cornucopias.  
Ditavit hæc Domus, Solia Regni Ministris Emeritisimis,  
decoravit Senatum Proceribus amplissimis,  
auxit militares copias heroibus invictissimis,  
Majestuosiores fecit Cathedras Præsulibus Eminentissimis,  
ornavit Stalla Prælati Dignissimis;  
& five in Toga Catones,  
five in Sago Fabios,  
five in sacris Purpuris Antistites,

Senatus, Patria, & Ecclesia precabatur.

E tanta tantorum Prædecessorum Tuorum serie,  
non minus meritorum ac honorum compendium  
còaluisse,

E tam pretioso Sanguinis Nobilissimi Erithræo,  
omnibus sæculis æstimanda gemma

effluxisse,

E tantis Parentibus, Patriæ Pater

nasci debueras;

& in Magnum Ecclesiæ Antistitem efferri.

In vitalem ærem prognati,  
primam emittimus vocem plorantem;

Ast Tu Principum Numen,

*rides in secula natus.*

*Maso.*



*Majores fasces in Cæli sorte futura  
Præsuleis manibus tracturus: habere coronas,  
Quales Rex Regum tribuit ditioe perenni,  
Tales nec Priamus primis Magnatibus arces,  
Trojanas potuit magnas conferre nec aras.*

## **Nobiles Tuas Principum cunas**

Purpurarum rosâs Lucina adornavit,

Mitras Capiti subjecit,

Fasces pro fasciis obtulit,

Annulis manus subarrhavit.

Anitij gemmâ pretiosioribus,

Et statim ad primum vitæ exordium

in aurora auricomum, in honorum meridie solem,

in flore maturum virtutis omnigenæ fructum,

**in Pusione Magnum ALEXANDRVM,**

in fascium nexibus obligatum libertatis Tutorem,

in cunis Soliorum & Majestatum decus,

præscio futurorum eventuum augurio

**adoravit.**

In Majestuosa adolescentiæ indole  
formosiores Ganimedis virtutes expressisti,

& à Regijs Orbis Poloni Aquilis

ad sidera **IOANNES** evectus;

omnium post Te Procerum animos attraxisti.

**In Gnesnensi Canonicatûs Cathedra**

*Vox Clamantis agnoscebaris :*

& Iupiter sine fulmine tonans,

**Supremi Regni Cancellarius**

antè Thronum Regiæ Majestatis

Pretiosiore quàm Nestor sermone perorabas,

Conjuratos ac perfidos Regni Catilinas,

**Veri**



Verborum acumine  
gladijs penetrabiliore detruncabas.  
Ex Ara Delphici Apollinis, Præfagus Phœbus  
ita Purpureum Senatûs cœtum  
eminenti sensus Tui statera elevasti,  
ut gravi ponderis voce:  
omnium in Te inclinares assensum.

*Serenissimi ac Invictissimi olim*  
A V G V S T I II.

Regis Poloniarum,

&

Potentissimi Lithuanix Ducis, &c. &c.

Regalem Magnificentiam,

quam vivam constantis pectoris coluisti arcanô,  
Illam etiã posthumâ celebritatis memoriã deprædicas.

IOANNES REGIA SCEPTRA

& Pro-Cancellariã styli pennâ,

& Regalibus ipsis Aquilis ad sidera evexisti.

à Glorioso CRVCIS trophæo

Cellissimi Principis

*Illustrissimi & Reverendissimi Domini.*

D. THEODORI POTOCKI,

Primatis Regni Poloniæ, Primiq; Principis,

nòn poteras avelli IOANNES:

CRVCIS POTOCCIANÆ Exaltationē

& Pro-Regium Thronum,

tanquã Patriæ & Ecclesiæ Luminare majus  
irreverberata mentis acie contemplando:

Dignus laudum elevatione IOANNES

Ad Pontificale tandem Gracij Vavelli fastigium,

ad



ad Ducatus Severiensis culmen,  
& ad ternas Honorum Coronas capeffendas evectus,

Egregium Patriæ Caput  
condigno inclinas anadæmati coronandum.  
IOANNES REGVM PECTORALE,

Antistitum Rationale,  
*SERENISSIMI REGIS*  
A V G V S T I III.

Regium Diadema

tribûs Cracij Vavelli redimit Coronis:

Præfuleo scilicet Ecclesiæ zelo,

Principum fide, & Patriæ amore.

Et tunc alti Sanguinis Tui Purpura  
ferenum ac candidum Regni invexit diem,

dum Te præeunte Phosphoro

SOL REGNI apparuit coronatus;

ac deplorandus Reipublicæ status,

ab occasu sine nube processerit.

Amaros myrrhæ fasciculos gemens messuit Polonia;

in Tuo autem Gentilitio RASTRO

Vberes felicitatum collegit manipulos.

Magnanimum etenim Tuum RASTRUM

disperfos pacis oleæ composuit ramos,

Hôstesq; Patriæ acuminosô compungens ingenio,

Laureata coronæ capita ad concordem reduxit unionis nexum:

dum

*Forrea belligeri conclusit limina Jani.*

Vndè meritò:

Insigne LIPSCIANVM RASTRUM

in altum extollitur,

D2

ut



ut cognoscatur magnificum aurei velleris aggregasse muricem,  
divisaq; Regni pectora  
felici corporis Reipublicæ còadunasse unitate.

### Ingeniosum RASTRORUM acumen

Herculis Clavâ potentius,  
pridem infensas de Polo Polono erasit constellationes  
siderumq; malorum influxus,  
dùm Patriæ & Ecclesiæ expunxit hostes,  
exesas & cariosas ignium fatuorum stipites  
e campo Regni evulsit & delevit;

ita:

ut dicere non sit hyperbole,  
quòd his Gentilitijs RASTRORUM armis  
*de Cælo pro nobis dimicatum est.*

Quis hostiles Patriæ evacuavit umbras?

nisi hæc RASTRA,

àn veriùs splendifera Poli Poloni astra.  
Quis labefactatam Regni famam erexit à cardinibus?  
nisi hoc publicæ felicitatis instrumentum.

### RASTRA LIPSCIANA

Insurgentibus Euxini Ponti fluctibus  
tremenda semper erant propugnacula:  
Fortius hoc Tridente Neptuni acumen  
Hostiles Barbarorum elationes maris domando,  
una punção dejecit Regni obsidiones.

### RASTRA hæc Triumphalia

quibusvis robustiora Anchoris,  
non unam Ancyram captivam,  
festivos duxerunt in triumphos.

Ita:

Magno in virtutibus coram Domino

IOAN.



I O A N N I

Magna Pontificalis Gloriæ Purpura efformari debuit,  
quæ etiam extenso pro bono publico  
vitæ suæ stamine  
pretiosiores effecit.

Magnanimo Principū Procerumq; Heroi

A L E X A N D R O,

pro egregijs in Regno meritis.

Trinis Cracij Vavelli intertextum Coronis

Præsuleum cedere debuit anadæma.

Memoranda sæculis ALEXANDRI gesta

meridiana luce clariora,

nō tantum historicis, sed etiam sacris commendantur literis:

ALEXANDER cui non suffecit Orbis

Fortuna sua major,

quosvis superavit magnanimos ut fortior;

ALEXANDER & POMPEIUS

pares non patiuntur:

Gloriam Orbis ex magnitudine rerum adepti,

Magni prædicantur

nē sine laude nominentur.

Tu MAGNE P R I N C E P S

Vtriusq; famam

Eminentissimis Tuis factis

nō tam adimpleas quàm exsuperas,

nām & Regni coronis magnificentiam,

& Ecclesiarum Mitris decorem addidisti:

Innocentiā etenim vitæ lactatus,

virtutibus enutritus,

Terrestre Regni Numen coleris.

E

Tri.



Triplex obtines Vavellanæ Cathedræ diadema,  
ut plenīs adimplearis Benedictionibus,  
& in ternis coronis  
perfectam assequaris virtutum plenitudinem.

Porro:

*Talis decebat ut nobis esses Pontifex;*  
Magnatum Thronum, non nisi Magnus,  
non nisi potens opere & sermone  
ascendere debueras.

**Illum Te Magnum dixerimus,**

Cujus magnitudo virtutum refulget in Coronis,  
Cujus in Cruce pectoralis erga Gregem salus & amor eminet,  
cujus in Annulis,

Pontificij Adamantes fulgurant sine fulgure,  
& pretiosi lapides sine offensione ponderantur.

Cujus in Purpura rosæ florescunt sine spinis,

Cujus in Peditum Præsuleo

Sublimes eriguntur Patriæ & Ecclesiæ Columnæ.

**Cracij Vavelli Altitudo Templi,**

ex Tuo ad Cathedram Pontificiam Ascensu  
elevatum habet gloriæ apicem.

**Ornamentum Ecclesiæ**

Sydoniâ Tuâ, Tyriâq; Purpurâ exornatur.

**Sub clementi Ducis Severiæ Tribunali,**

immos ponderososq; justitiæ quadrantes

ipsa sæculorum Themis admiratur.

**PRINCEPS EMINENTISSIME**

Si exiguo liceat ingenio summas depromere laudes,  
eas ipsas in cumulum Honoris recensemus,

quas Tua Gentilitia **R A S T R A**

selectissima virtutum messe

in



in Majestuosum Gloriæ acervum intulerunt:  
RHODIUM immortalis Gloriæ COLOSSUM  
immenſas meritorum altitudines excedentem  
Præminentia Tuorum RASTRORUM Cœlis ipsis domonſtrat.

In hoc glorioſo RASTRORUM Theatro  
conſpicimus tot adamantibus, quot acuminibus  
Exaratam Regum felicitatem.

Miraculoſis Mempheos figuris  
Glorioſa Tua infiguntur R A S T R A,  
eò quòd omnes illas caducas operum ſtatuas  
amplitudine ſua præcellens imago gloriæ  
ſe Cœlis ſpectabiliorem reddat.

In R A S T R I S iſtis glorioſis  
expreſſa ſunt aurea Regum Sceptra,  
Fulgentes Principum Scipiones,  
potentes Ducum Clavæ,  
acuta Martis in hoſtes ſpicula,  
ſolemnia victoriarum trophæa,  
Ingentes Curulium ac Soliorum eminentiæ  
L I P S C I A N A R A S T R A  
Horrida ſunt in hoſtes Patriæ fulmina,  
inter bellicos æſtus,  
inter fumos & ignes  
nativum non amiſerunt ſplendorem,  
quia his triumphalibus probata ignibus  
in triplex aureæ virtutis reducta ſunt pretium.

Præcellunt nempe:  
puritate fidei erga Eccleſiam Numas,  
Splendore Majestatis erga Patriam Stilicones,  
pondere meritorum  
omnem gloriæ tranſcendunt magnitudinem.

Probas hoc in Te ipſo

E 2

O Ma,



o Magne Antistes,  
 Qui Antecessorum Tuorum  
 Vavelli scilicet Præfulum  
 in Te vivam exprimis imaginem,  
 dùm in rebus pro Ecclesiæ gloria regendis  
 Majestuosum Divorum illorum  
 Principum honoris Pantheon  
 in Tuo demonstras Exemplaritatis prospectu:  
 Divi AARONIS CORONAS  
 gemmeis ingenij Tui adornas fulgoribus.  
 Gloriosò CRUCIS signaculò  
 Divi S T A N I S L A I  
 SZCEPANOVII CRUCE,  
 præcordia Tui pectoris consignasti.  
 Fragrantes Divi VINCENTII  
 KADŁVBEEK ROSAS,  
 in Tua Præfulea Purpura veneramur:  
 Triumphalibus PRANDOTÆ  
 &  
 I V O N I S SAGITTIS,  
 quæ de fortissimis illius Domus Heroum manibus  
 in hostes Ecclesiæ emissæ,  
 nunquàm de campo Martio vacuæ redierunt,  
 nisi digna Verbi DEI compunctione  
 prædam Cœlis intulerint;  
 è Gentilitio Tuo RASTRO acumen addidisti,  
 postquàm illorum egregiorum Antistitum merita  
 in altum præeminentiae Tuæ acervum collegisti.  
 Tri.



Tritam per virtuosas SOLEAS  
IASTRZEBCCIORVM  
TYLICCIORVMq;

ingressus ad Solium Pontificium viam,  
recto vestigio attigisti:

Ex KONARSCIORVM,  
HABDANKORVMq;

inverso ad astra Characterē,

*Magnus de Caelo PRINCEPS legeris.*

OLORIS TRZEBICCIANI concentibus

de perturbato fataliq; rerum in Patria statu

nō vana prænoscens vaticinia,

dulci ANTISTITUM carmine

pacem de Caelo exorasti,

à DEO Rege sæculorum & Principe Pacis

*exauditus pro Tua reverentia.*

Dulce & decorum esse, Bone Pastor existimans;  
ut etiā omnia pro grege Tibi cōmisso vitæ momenta  
in solemnem victimam consecrares.

GRYPHO GEDEONIS

Volatu meritorum Orbis ambitum excedenti,

in RASTRORUM Tuorum Pyramide

excelsū gloriæ Colossum erexisti.

Aurei Velleris Monile

e NAVI ZADZIKOVIANA

in Tuæ Præminentiae Purpuram allatum  
ingentibus Præsuleæ Dignitatis radijs coruscat.

TUBÆ RADZIVILIANÆ

Tuam resonant Honoris famam.

F

CIN.



**CINTHIA SZYSZKOVIANA**

cum toto fiderum Senatu  
in Tua Mitrarum defluxit Diademata.

**G E M B I C C I A N A**

&

**MALACHOWSCIANA FASCIA**

Messes & manipulos Tui Pontificij laboris  
per Avita combinati **R A S T R A**  
Gordiō colligavit nodō.

In Nobilibus **A R B O R I S**

**D A M B S C I N Æ** Folijs

Tuam inscriptam laudis Panegyrim legere liceat.

In Coronato **D E N O F F I O R V M**

&

**ŁVBIENSCIORM CAPITE,**

tremendam cunctis Ecclesiæ hostib⁹ Majestatem Tuam honoram⁹.

Pro cōdignis **AGNI SZANIAWSCIANI**

æternæ memoriæ pascuis

Lilia Regum & Reginarum Rosas

Tuo congregasti **R A S T R O.**

In triumphalibus itaq; **R A S T R I S**

Militantis Ecclesiæ Eminentia

Celebre culmen habet.

In aperto nimirum Sarmatiæ Campo

**R A S T R V M** erigitur,

ut cunctis Regni Principum Procerumq; conspectibus pateat;  
pro felicitate fructuum boni operis

**Hoc insigne Ecclesiæ accrevisse ornametū,**

& incrementum olivarum Pacis addidisse.

Hæc virtutū & Magnorum in Ecclesia DEI meritorū sittemmata,

Hæc



Hæc nunquàm interituræ gloriæ exemplaria,  
Hæ vivis probitatis coloribus delineatæ  
**Vavellanorum Pontificum Imagines,**  
Iàm ad Cœleste æternaturi Honoris transportatæ Templum  
**In Tuo Reverendissimo Vultu**

**O MAGNE ANTISTITUM IOANNES**  
se cum tota amulsi suo spectabiles reddunt.  
Et quamvis selectissima rectefactorum & dignitatum clenodia;  
fatis abundè in suam còadunaverint appretiationem;  
tamen in maiorem honorum copiam  
in ampliores **LIPSCIORVM** Procerum laudes  
Splendiferis Tuis **RASTRIS** eadè colligenda reliquerunt.

**quemadmodum**

**O MAGNE PRINCEPS**  
Gloriosis gestis collegisti,  
dùm Ducali Mitræ Cardinalitium Galerū,  
Vavellanæ Dibaphæ Vaticanam Purpuram,  
Dignitati Celsissimæ Eminentissimum Honorem,  
Senatorio Laticlavio sacram investituram adjunxisti.  
**Super Pectus Supremi VICARI CHRISTI**  
**CLEMENTIS XII.**  
*Universalis Ecclesiæ Apostolicæ*  
**PASTORIS,**

**Pridè recumbens IOANNES**  
hoc Sacrum Romulei Honoris accepisti indumentum:  
quo & Tua Virtus ornata incederet magnificentius,  
& Domus felicitate emineret augustius,  
& Patria congestis in Te Sanctissimi Patris locupletata favorib9

**Et non**



non magis de Tua, quàm de sua gloria  
gestiret gaudentiùs.

Ergo jàm pro ardente Divini amoris Ecclesiæq; zelo,  
rutilante CARDINALITIÆ Gloriæ Purpurâ honoraris,

In C O L V M N A E X C E L S A

Digniori quàm aureo caractere exararis,  
ad Vaticanam extolleris Eminentiam,

ut Nomen Tuum LIPSCIANVM

Eminentissimis totius Europæ pateat præcellentijs,

Dies tantæ de Tuo Honore lætitiæ,

Regni, Senatûs, Reipublicæ, Dioecesis, & Ecclesiæ

a tam sereno Tuæ gloriæ inchoata meridie

procedit sine occasu:

Et quamvis momenta se se inclinent,

nòn aliter tamen,

nisi in condignam Tuo Præsuleo Vertici,

Tuæ Pontificali Cruci,

Tuæ Sacræ Cardinalitiæ Purpuræ

præstandam adoream.

Publica Tui Honoris Lux,

Splendor immensæ Gloriæ,

totius Europæ vota

Super Tuam Virtutem ad insomnes præconiorum excitat laudes.

Triumphales palmas & laureas

quas invicta magnanimi Martis dextera

Generosa L I P S C I A N O R V M Heroum animositate

in coronamentum Patriæ,

in plantandam Campo Lechico gloriæ florentiam,

in perenne meritorum LIPSCIANORVM hostimentum,

tanquàm immarcescibilia de hostili acie collegit Spolia.

Vio-



Violas & rosea Purpuræ centifolia,  
Tyaræ gemmas, Mytræq; uniones,  
quos Gloriosissime PONTIFEX meruisti,

omnia egregiarum virtutum insignia

Annuli Pontificij Adamantes,

& Pretiosos Pastoralis Pedi Chrysolitos,

indefessarum Tuarum

pro D E O, Ecclesia, & grege manuum ornamenta,

unam in augem Honorum

ponderosa Tua colligerunt Rastra.

Meritò:

CELSISSIME ANTISTES

Eminentissimum Romanæ Ecclesiæ

atingis Cardinalatum

quem non tam pedum vestigiò,

quàm virtutum fastigiò conscendis.

Romanæ Urbis & Orbis mænia lustrando,

à Vaticano Tripode

jam tunc plùs quàm Delphica intellexisti Vaticinia

Te ad Purpuras vocandum esse Eminentissimas.

In Clivo Tarpeio

Capitolium Romanum venerando,

jam prævidisti Tuam emeriti Capitis virtutem

Cardinalitiò Galerò coronandam.

Vix inter primas Regni & Ecclesiæ constitisti curas,

Tua virt<sup>9</sup> ad majores nata, quia Vaticanas prominebat

Quælibet Tyara Præsulea Tibi ope videbatur impar.

Quælibet Tyara Præsulea Tibi ope videbatur impar. nempe



nempe:

Tuo Capite minor,  
majori Cidari quia Romuleo optabatur Galero;  
mirum erat: quod à libero Tuo velle  
Polona pendebat Majestas,  
imò non mirum:  
quia hinc augurium erat  
fore illud tempus,  
quò ab ore Tuo summa in terris post DEVM dependebit potestas.

Hæ spes:

quas de Te non vano omine concepit Patria & Ecclesia,  
ardentioribus ad superos promovebat suspirijs,  
& dum sua repetito anhelitu geminabat vota,  
Tibi novi Honoris adorem germinabat.

Non irritò tandem conamine  
pro Te Superum fatigavimus ædes:  
En spes nostræ jam sunt in fructu, non in herba:

En anguria in effectum,

En omnia omina

in eventus Tibi, honorificos nobis felicissimos evenere.

Hinc:

Applaudit Tuæ Gloriæ

Totus in Te refusus Serenissimi AVGVSTI III amor,  
gaudetq; se Tibi vicem pro vice posse reddere,  
nempe CARDINALITIUM Biretum pro Corona.

Applaudit Ordo Senatorius,

& gestit se pomposius eminere

Tuo



Tuo Romuleo ornatum Laticlavio.

Applaudit Ordo Equestris:

& lætatur se tandem spectare  
quomodo fusus pro Fide & Patria,  
à tot Heroibus Domus Tuæ Sanguinis,  
refragante liceat Tua modestia,

sed DEO sic disponente,  
Sede Apostolica sic volente,  
Sacro Vaticanorum Procerum Murice muneretur.

Colligati Tuæ Gloriæ Fasciculi,  
Procerumq; Nobilium collecta messis virtutum,  
totius Regni Columnen,

in condignum quoq; Tibi concurrunt applausum  
Magni Tibi Sanguine juncti Emilij,

Illustria connobilitatis Stemmata  
egregium Gloriæ calcar

Tuo honoris ascensui addiderunt.

**DOMANIECCIORVM SOLEÆ,**  
Tuam inclytis vestigijs metam gloriæ exprimunt.

**KOZMINSCIORM ROSÆ,**

Tuæ Purpuræ gravem addunt Majestatem.

**DZIERZANOWSCIORM LILIA,**

iter ad Cardinalitiam staverunt Eminentiam.

**TARNOVIORM VOMERES,**

**R A S T R I S** Tuis colligati,

Pesago Aratore

Sacrum Heliconis Campum  
pro Tui Nominis gloria excoluerunt.



**Ipse Pegasus**

*Qui nitidis stellis resplendet quinquedecemque  
Ethereas quatiens summis modo cruribus auras.*

**Emeritas Manipulorum Aristas**

**RASTRIS Tuis congestas,**

*velut radios Regni clariores*

**Stelliferis Domibus intulit LIPSCIANIS.**

**LIPSCIANO Tuo Honori**

*Regium etiā Archi-Cœnobiū Tyneceſe, vectigale eſt:*

**Leoni etenium BENEDICTINO**

**Alatus NICOLAI MIELECKI,**

**ABBATIS TYNECENSIS GRYPHUS,**

*Colligati Sanguinis Tui Prototypon,*

*inſigne addidit robur*

*Ante Thronum Sanctuarij Eccleſiæ excubanti,*

**G R Y P H V S Hic**

*Aureæ libertatis Cuſtos,*

*& aureæ Regni Coronæ Deſenſor;*

*Arimaspos, Fortunæ, & Patriæ inſidiatores,*

*Triumphalibûs unguibûs excæcavit.*

**AMBROSIUS CASIMIRVS**

**L I P S K I,**

**Coadjutor Abbas Sanctæ Crucis,**

**Generalis Cōgregationis Polono-Benedictinæ Præſidens**

**Qui montem S. CRVCIS meritis ſuis Religioſis**

**ac inſtituta Abbatiali adornavit,**

**Tuis Honorum faſcibus**

*novas gloriæ ſubjecit gemmas.*

**C A S I M I R V S**

**Exaltationem Tuorum RASTRORVM lilijs coronat,**



A M B R O S I V S,  
Tibi Eminentissimo Patriæ Numini

solemne honoris incensum & sabæos adolet odores.  
Sublimibus Aris Domus LIPSCIANA condecorata est,

in quibus :

Veneranda Regnorū prælucent Numina.

Supra terras efferri debent

Præaugusti Sanguinis LIPSCIANI Proceres,

Nam :

sicut in firmamento fixa Coeli resplendent sidera,

fic illa Honorum capita,

in suo Apogæo seu veriùs gloriæ Olympo

inextinguibili rutilant fulgore.

Habet ergò unde Tuo Honori suæq; Felicitati

Archi-Coenobium applaudat Tynecense,

& atro suæ Professionis habitui

colorem gestiens, gaudij superinduat cultiorem;

nam ad tanti in Polo Poloniæ sideris exortum lumen,

*non est conveniens luctibus ille color.*

Puniceus communis lætitiæ color ille est,

quem cum candore Religioso mixtum assumimus,

in nobis ipsis

Festivarum gradationū vultus præsentando & imagines.

Plausibus celebranda Solemnitas,

quæ propitium nobis terrestre indulsit Numen.

Te I O A N N E M.

Vnde

*Edim' haud fictos hilaris de pectore plaus'.*

H

Nec



Nec ad splendidū tantæ Purpuræ prospectū

caligare oportet adoratorem oculum,  
qui acutiorem Tyrio de murice accipit visum.

Pallescere non licet ad rutilantes Purpuræ radios !  
si erubescimus;

non tamen ex constanti Cultus & reverentiæ sudore,  
ad mutabilem oris ac animi revertimur pallorem.

Imò:

Condignum Honoris Pontificij Verticem

eò demissiùs veneramur,  
quò CARDINALITIUM Fastigium fulget eminentiùs.

Et quia Principem Pacis sortiti sumus

Te I O A N N E M;

ideò pro osculo Pacis, ad desponsatos Ecclesiæ annulos  
cum magna Tui Eminentissime PRINCEPS  
provolvimur reverentia.

voventes:

ut perenni Regni Sarmatici tranquillitati,  
Romanæ Ecclesiæ decori,  
nostrumq; omnium beatæ felicitati

Serenus in Purpura

P R I N C E P S.

VIVAS.





PRINCEPS  
EMINENTISSIME

Ad celebre Tuæ famæ classicum,

etiam

APOLLO BENEDICTIVS

inter Religiosum taciturnus Parnassum,

fit vocalis :

Suamq; Præsuleis Plantis substernens laurum,  
glorioso ad se à Sede Regia delatum echone

OCCINIT CELEVSMA.

O D E.

*RASTRA, quæ firmis manibus coruscant,*

*Colligunt fractum Patriæ laborem,*

*Dividas Regni benè nexa partes*

*jungere possunt.*

*Gloriæ messem, meritiq; frugem*

*Dignitas neclit colit atq; aristas,*

*Premium summis referunt acervis*

*Aurea Rastra.*

*Eminent Rastris segetes Honorum,*

*Cingulo pacis rutilant manipuli,*

*Dat Ceres Regni solio beatas*

*Larga coronas.*

*Regis invicti nitidæ corone,*

*Quas Deus celso solio locavit.*

*Ex Tua PRINCEPS pietate regnent,*

*Sceptraque crescant.*



Idem A P O L L O.

Consonans Lechici Senatus voces,  
non dissono suis votis occinit sono,

O D E.

Orbis Poloni fulgida gloria,  
Claret JOANNIS lumine Gratia,  
Quæ purpurali lucis ostro  
Sidereum Procerum Senatum  
Investit. O quis Phæbus in orbita  
Regni coronæ, gemmiferos dies  
Accendit! & tantæ serenos  
Latitiæ radios adauxit?  
Magnus JOANNES! consilio potens,  
Virtute major, maximus omnium  
Laudum, decorem dignitatum  
Voce sua resonando, famam  
Excedit Orbis. Magnificis thronis  
Regum coronas, sceptraq; Regia.  
Sublimis evexit per astra  
Dexteritas probitasq; vitæ.  
O magne PRINCEPS! Purpura Principū!  
Admitte plausus, quos Tibi detulit  
Condigna Majestatis Ara,  
Quos Procerum solium perorat.



Suo Soloni munera gloria  
 Defert Senatus, cûi Themis æquior  
 Inclinat immensos honores,  
 Elevat ac apicem gravante  
 Virtute. Pondera gloria  
 Regniq; fasces, & Patriæ fidem  
 Firmas ALEXANDER potenter,  
 Gratia cor populi ligasti  
 Vinculis amoris. Nobilis optima  
 Qui jura Regni, pactaq; fœdera,  
 In splendidos pacis maniplos  
 Conglomeras rutilante RASTRO.  
 Exemplar ingens reddis imagine  
 Virtutis, in qua celsus eminet  
 Serena Majorum venustas,  
 Effigiesq; nitet Penatum.  
 Talem decebat Pontificem sacris  
 Splendere gestis, & Cathedris novum  
 Inferre gemmarum decorem,  
 Qui populo pietate præsit.  
 Optat Senatûs Concilium sibi,  
 Vt Magne PRINCEPS ingenio Tuô,  
 Summæ Magistratum Curules  
 Aurea fulcra ferant & arces.



Applausus ejusdem Ordinis  
Senatorij.

*Laude coronatur Nomē sublime JOANNIS,  
Nobile cum violis nascitur atq̃ rosis.  
Debet honorari Nomen quod Gratia gignit.  
Grata venustati præmia debet amor.  
Fragranti fama redolebit nomen odoris.  
Tali nec dulcis floruit Hybla thymo.  
Ingeniō clarus, leges & jura tuetur  
Regni, tum fulcit Regia Sceptra potens.  
Martis compressit furias, strepitusq̃ rebelles  
Composuit pacis voce sonante satis.  
Major non potuit conferri gratia Regno,  
Quàm quæ de Magni fonte JOANNIS abit.  
De RASTRIS Patrijs tot propugnacula surgunt,  
Collectas lauros inclytus auxit honor.  
Præfulis attraxit Cælos veneranda potestas,  
De Regno tristes hinc abiēre dies.  
Parv, ALEXANDRO Magno dū mūdus habetur,  
Illum de Cælo Purpura missa capit.  
Quas RASTRIS Princeps violas gēmasq̃ recenses,  
Perpetuo vireant vertice, vota damus.*



Ex affine suo Parnasso Hæmo  
lætabundos BENEDICTINUS Apollo audit plausus,  
& à Polono Ordinis Equestris deductum Marte,  
Pòética sic concinit arte.

O D E.

PRINCIPIS famam, decus atq; magnum  
Nomen Heroës Equites adorant.  
Gloriam dignis, nitidoque Cælo  
Plausibus æquant.

Laudibus PRINCEPS Tua magnitudo  
Lucis attingi nequit, aut triumphis  
Pompa concludi, rutilisq; pingi  
Fama pyropis.

Fronte Mars splendet bene laureata.  
Et coronati saliunt caballi.  
Exprimunt clari fremitu sonoro  
Gaudia Regni.

Efferunt haste diadema Regni,  
Fulgurant gemmis clypei abèni.  
Tanta virtutum tremebundus hostis  
Signa veretur.

LIPSCIVM pansis labaris coruscat  
Nomen, excelsi meritiq; stemma  
Clara gestorum monumenta, summa  
Laude remonstrant.



*Tympanis plaudunt generosa castra,  
Buccinae laudes repetunt canoræ,  
Et triumphali vomit ore festas  
Machina flammæ.*

*Et salus & pax titubante Iano,  
Laureis ludit, nitet & coronis  
Quas novis campis Tua Gloriosa  
RASTRA dederunt.*

*Pacis o PRINCEPS! probitatis atque  
Norma, Templorum decus æviternum,  
Dira devotis manibus retundas  
Fulmina Martis.*

*Fulgidis gestis Equites coronans  
Vive mirandis meritis Senator!  
In Tuos clarum stimules triumphos  
Calcar honoris.*

*Applausus ejusdem Ordinis Equestris.*

*O D E*

*In RASTRIS rutilant abena tela,  
Hastis fulminibusq; fortiora,  
Clavis Herculeis potentiora,  
Quæ Martis cuneos & arma frangunt.  
Hostiles penetrant acuta dextræ,  
Lauros robore congregant valenti.*



*Summis laudibus o colenda RASTRA!*  
*Expugnant fidei stupenda monstra,*  
*Sublimi radiant honoris axe,*  
*Nullo sunt Patriæ labore fracta,*  
*Fulgent integritate ponderosa,*  
*Propugnacula sunt decora Regni.*  
*Congestis Patriæ sacris coronis,*  
*Palmis gemmiferis, venustis atque*  
*Sertis in solium perennitatis*  
*Collectis, bene gloriosa RASTRA*  
*Vultu luminis eminentiori*  
*Conscendunt nitidos suos acervos,*  
*O Praconia tanta quis tacebit!*  
*PRINCEPS voce Tuos canis triumphos.*  
*His RASTRIS violas rosasque mentis,*  
*Quales Purpurea in toga coruscant,*  
*Campis Elysiis decorus infer,*  
*Et præstans odor attrahat sequaces.*

*Nec obligata suo PASTORI Diœcesis*  
*flet, cujus gestientia júbila, tali*  
*concinantur metro.*

*Atticus Orator Xenophon, qui Regia Sceptra*  
*Cyri laudavit, decantans nobile Regnum,*  
*Claruit eloquio, toto celeberrimus Orbe.*  
*Si Tua gesta, velit facundo (maximè Princeps)*  
*Ore loqui, Majestatemq; levare coronis,*  
*Obrutus ingenti radiò, quo Purpura splendet,*



Pallida confuso suffunderet ora rubore;  
Excedat Tua quæd primas magnalia laudes.  
Cecropiusq; Solon, quem magnis docta Minerva  
Parturiit studijs, nutrit & artibus almis,  
Thespiadumq; dedit decus immortale sororum,  
Tarnquinij Regnum justis qui legibus auxit,  
Contremit ante tuas, quas, Regni gloria Pompas  
Intulit in altum, legesq; observat honorum.  
Pomponius rectus, fugiens mendacia rerum,  
Sacrae qui Themidis librabat pondera vocis,  
Consilij magni miratur **PRINCIPIS** Aras.

Religio rutilans, quam virtus mente levata  
Duxit in ætheras auras, simul astra tueri  
Fussit, in excelsa venerandi Numini aula.,  
Te Procerum Sedem, & tranquillum mentis asylum,  
Et Regale Sacerdotum Diadema veretur,  
Pontificale simul decus almus Cætus adorat.

Pontificale nitet præstanti murice Numen.,  
Præcellis aris virtus sua lumina spectat,  
Fama perennis habet Nabathæos thuris odores:  
Gloria sacra probat magnos virtutis honores,  
Unio Pontificis recolendum pectus adornat.  
Quis posset tantos morum connectere fasces?  
Quis virtutis honos reverenti carmine laudis  
Decantare valet? probitatis amabile nomen  
(Quo cellos implet Cælos gratissima fama)  
Stringere quæ possent Sancto præcordia nexu?  
Virtus ipsa sibi pretium: post fata superstes  
Immortale vehit scandens super æthera nomen.

Floribus exiguas gemmisq; inscribimus altis  
Laudes: ipsa quibus resplendet Purpura major.  
Chloris dotales meritorum Principis hortos



*Miratur! quantis adoratae Gratia Florae  
 Pontificis mentem redimit pro munere digno  
 Lauris & sertis! roseis ne Purpura flammis  
 Excellens careat, pæstano digna pyropo,  
 Idatio tinxit vestem vultumque Colore.  
 Germina virtutum campis immensa Polonis  
 Demulcent Zephyri, peramæna luce revisans  
 Veris opes Sol ipse, jubar connectit & auget  
 Sidereas Stellas, & sæcula solvit ab umbris.  
 Quis numerare valet meritorum germina tanta?  
 Purpuream messem cumulabunt splendida **RASTRA**  
 Hoc tibi nostra fides dicat irrevocabile votum,  
 Ut subjecta reges felix præcordia Princeps,  
 Qui Pater es Patriæ & decus immortale Polonæ.  
 Præsulis accendat Gemmis Ecclesia lumen,  
 Ut decor inde novus consurgat in ordine sacro:  
 Pontificis summi, ut Princeps fastigia scandas  
 Dignus Apostolica pro Majestate præire  
 Laudibus efferri toto spectabilis ævo.*

## *Applausus ejusdem Ordinis Spiritualis.*

*O D E.  
 Præclara Regni stemmata  
 Fulgent suis coronis,  
 Quas ipsa virtus gemmea  
 Exornat atque præfert.  
 Invicta gestat dextera  
 Regale mundi sceptrum,  
 Quæ scipiones frangere  
 Novit potens & arma.*



*Suas ad Aras Pontifex  
Accedit Insulatus,  
Quibus colenda gloria  
Virtus gradus adauxit.  
Resplendet alma Purpura  
Roseis suis maniplis,  
Quos CARDINALI colligunt  
Avita Honori RASTRA.  
Ecclesiarum gloria  
PRINCEPS diu resulge,  
Gemmis tuis Antistitum  
Aras Sacras coronas.*

Non immemor erga Tuum Eminentissimum  
Honorem tesserae.

**BENEDICTIVS APOLLO,**  
ne perenni sua videatur esse solutus obligatione,  
In immortale Nominis Honorisq; Tui præconium  
totus ad præfuleam Fimbriam  
ligatis reptat pedibus.

**O D E.**

*Illustre Nomen LIPSCIVS addidit  
Ecclesiarum fascibus, & novo  
Virtutis almae Principatu,  
Romuleo nitet in Senatu.*



Quot alta Regni gloria LIPSCIOS  
Præsentat Orbi, tot Proceres patent,  
Tot Claudij, tot Scipiones,  
Annibales Patriæ Polonæ  
Spectantur. O quam LIPSCIA Regia  
Claris resulget iusta curulibus!  
Est aula Regum, Principumque,  
Pontificumque sacrum sacellum.  
JOANNE major surgere quis valet?  
Cui Purpurarum maxima Purpura  
Coruscat ostro; voxq; laudis  
Ipsa sua roboare fama  
Possit. Colendum Pontificis Caput.  
Virtute Cælis altius eminet:  
In annulis perenne Nomen  
Scribitur, & legitur per astra.  
Florere fecit candida Gratia  
Regum Coronas, Sertaq; Principum:  
Expunxit herbas implicatas  
De Patria resonante RASTRO.  
Resplendet Aris fama potentior,  
Templis coluntur Numina gloriæ.  
Regni coronantur columnæ,  
Et fidei pietas perenni

L


Fer-




This is a highly detailed woodcut initial letter 'L' from a 15th-century manuscript. The letter is rendered in a bold, black ink on a light, aged parchment background. The 'L' is decorated with intricate patterns, including a central figure of a woman holding a staff, and various other figures and motifs. The background is a light, aged parchment color.

1872  
 1873  
 1874  
 1875  
 1876  
 1877  
 1878  
 1879  
 1880  
 1881  
 1882  
 1883  
 1884  
 1885  
 1886  
 1887  
 1888  
 1889  
 1890  
 1891  
 1892  
 1893  
 1894  
 1895  
 1896  
 1897  
 1898  
 1899  
 1900












Biblioteka Jagiellońska



stdr0019239

Oddział Konserwacji Zbiorów  
Bibl. Jag.  
1994r.



